

佛說灌頂七方三千神王護比丘呪經卷第二 恭二

東晉西域三藏帛尸黎蜜多羅譯

聞如是一時世尊遊於羅閱祇梵志丘聚從

是北上鉢提山中天帝石室爾時無數比丘

各各馳走忿忿不安如捕魚師布網捕魚魚

都馳散世尊遙見無數比丘各各馳散擾擾

不安佛知而故問諸比丘言何故繞轉如是

不樂若魚畏網比丘對曰我爲魔所燒在所

不安畫則遇諸賊盜毒蛇虺及諸龍象熊羆

所燒不得定意求四道果見惱如是當奈之何

佛告諸比丘勿生憂惱當爲汝說灌頂章句

百二十神王導從前後爲汝作護辟除邪惡

諸燒害者不令得便在所至到營衛佐人獲

善吉利万邪皆伏諸比丘喜聞佛所說心開

意解前禮佛足長跪叉手白佛言世尊唯願

演說灌頂章句擁護我等及未來世諸比丘

輩令得安隱使入定行

佛告諸比丘我今爲汝一一分明說灌頂章

句百七十二大鬼神王名字如是諦聽憶念

慎莫忘之也諸比丘言諾受教手靜聽佛言

神名道軻彌迦羅移嘻欵

神名嘻欵般鉢阿羅鉢

神名摩丘披賴兜呵頭沙

神名翅拘黎因提鈍比丘拔

神名漚羅湏彌者羅阿羅因

神名阿羅耶阿耆破者

神名阿羅耶阿耆破者

神名漚那斯陀漚彌提屠

佛告諸比丘此十八神王護諸比丘及未來

世諸比丘等及護僧伽藍佛兒鉢提山中諸

比丘輩忿忿不安畫則爲盜賊惡人所惱夜

則爲鬼神所困及諸龍象熊羆虎狼之所驚

怖又爲盡毒所中佛於是廣爲諸比丘輩說

是無上灌頂章句諸大鬼神名号令諸比丘

常獲安隱吉利之福無諸禍害

神名闍梨摩訶闍梨 神名闍羅尼優佞性

神名沙波提阿知和知

神名那知鳩那知波那提

神名提我沙羅波提 神名阿那波提波那提

佛告比丘此十二神王護諸比丘浮陁鬼神若

人非人不敢燒近毒藥不中不爲水火焚漂縣

官盜賊不令得便然家債主不能剝奪神王眷

屬七百徒黨常爲作護辟除凶惡万事吉祥

神名迦和尼摩訶迦和尼

神名阿佉尼佉尼阿佉那

神名阿佉尼阿比羅曼多羅

神名波陁尼波提梨伽

佛告比丘此十神王護今現在及未來世諸

比丘輩不令五瘟疫毒之所侵害若爲瘧鬼

所持呼十神王名號之時瘧鬼退散自護汝身亦當爲他說使獲吉祥之福

神名摩呵留邏迦梨區恕

神名金洹陁越阿釋三菩

神名迦利三耶摩訶呵輪

神名跋陁沙羅曼陁羅阿

神名迦柰國舍呵呵羅羅

神名沙陁沙陁摩迦摩迦

神名跋陁沙羅曼陁羅羅

神名伊惄伊耶阿耶阿

佛告比丘此十六神王與其眷屬万五千鬼

神擁護今現在及未來世諸比丘等普伊洹比丘爲八十一億魔所燒誦此十六神王名

字諸魔眷屬顛倒墮落匍匐離散形體變化

莫知藏匿告諸比丘若有危厄恐怖之日呼

此神名即獲吉祥諸神祐助辟除藏匿

神名阿波竭證證竭無多薩

神名喜達比達沾波沾

神名波迦羅喉稜無因輪無

神名脂輪無因臺羅宋和羅

神名譟林羅波耶越羅羅

神名檀特羅沙羅法牛駄

佛告比丘此十六神王與其眷屬五千之衆

各以己之威神爲諸比丘辟除鬼神凶惡之
變者我子羅云樹下禪思爲鬼神所燒驚起
明日來到我所我即語言當爲汝說辟鬼神
呪即爲說此十六神王佛語羅云若四輩弟
子爲鬼神所燒者當爲說此十六神王灌頂
章句令離諸橫獲吉祥之福

神名阿羅域金毗羅羅

神名般耆遮和耆羅洹

神名摩尼鉢羅沙呵呵波

神名雲無和羅乾陀尸吁

神名拘摩和羅修摩乾陀

神名取披鞬陀叱闍叱者

佛告比丘此十二大神諸鬼中雄與其眷屬

三万五千俱諸天闢時獨伏羅刹昔不知法以

血肉爲食常噉人民小兒之屬我爲說法今

皆得道作大誓願若佛滅後五濁亂時護諸

弟子比丘僧衆令獲吉祥之福德也

神名闍離摩呵闍離神名闍羅尼郁伶自伶

神名闍離摩呵闍離神名闍羅尼郁伶自伶

神名三波提摩呵三波提
神名頰提跋提鳩祇鐵離
神名莎羅波提安那波提
神名半那波提闍那波提
神名迦偷尼摩呵迦偷尼
神名波沙檀尼耶醯迦弥

佛告比丘此十九神王他方國土世界号華
積佛号最上天王如來至真等正覺遣二菩
薩一號無量光明二曰大光明遣二菩薩獻
此十九神王神呪作是言娑婆世界一切人
民行善者少爲惡者多是故獻此十九神王
以佐世尊令諸衆生調伏信解今我爲汝等
卷四

輩說彼佛所獻神呪十九王此諸鬼神三万

六千以爲眷屬當爲汝等設諸擁護度厄難

苦令獲吉祥普入法門

神名多迦梨離摩蘭泥 神名迦梨羅牟提繫利

神名酸梨枝貴跋梨移 神名摩梨枝阿迦繕移

神名睥提移阿那縛羅佉

神名隣提移阿那耨羅訥
神名富吒羅子鳩羅羅子
神名那迦離子不吒羅子
神名鳩蘭軒陀羅訥
神名不吒吒羅子鳩羅子
神名多迦利離摩摩蘭泥

神名鳩蘭軒吒羅鳩梨提
神名迦私羅牟提繫梨
神名迦蘭固梨提遮拔謨
佛告比丘此二十七神王昔化提比丘治護
屋室壁間有黑蛇來噉化提化提即悶而躰
地阿難即往至佛所啓問此事佛即答阿難
言汝語化提我當爲其說辟蛇毒二十七神

王護化提身語化提言汝當慈心哀天下万
重誦我此言汝毒當歇阿難即以神水潰灑
化提化提醒阿難即語化提言佛已爲汝
說二十七神王辟蛇毒法汝但慈心於天下
人非人毒自當滅阿難即爲化提說佛所說

卷三
灌頂三

五

二十七王神呪法呪化提即愈阿難語諸比
丘若有安居住止之處應說此言蛇毒七歲
不復噉人三七遍誦此神名即獲吉祥
神名安陀尼抄多摩尼 神名闍摩尼摩訥尼羅
神名摸呵尼烏羅利

神名摸羅陀提遮波頭摩逸

佛告比丘此十二神王佛昔爲迦奈比丘說
此神名有凶惡人常剥奪比丘衣裳比丘往
到佛所啓白是事佛語諸比丘汝若在山間
樹下冢墓之間行十二頭陀時有諸凶人來
燒汝者汝當說此十二神王名号凶惡之人
自然退散復道而去不能爲害可得修禪求
四道果獲吉祥福無衆患難
神名額吱敷額吒般吱敷
神名般吱敷劬離敷波羅那
神名拘離比敷劬羅比敷
神名檀陀醯羅波羅那

神名須摩提陁薩提那陁
佛告諸比丘此十二神王昔有比丘名曰般
若提婆誦習經法中諸寒冷遂爲蟲所噉齒
我爲是比丘及未來世諸弟子等說是章句
若有比丘及諸四輩爲蟲所噉齒者以淨水
一器含水一口牙臨其上七遍誦此十二神

王便吐口中所含水如是法用四十九遍至
便破散隨水流迸無不除愈得吉祥之福

神名伊離敷伊臘毗敷
神名烏呵尼摸呵瀨漏瀨漏

神名迦舍梨耶那
佛告比丘昔有求那陁比丘患眼風痛又患

濕虫痒痛難忍往到我所具以啓問我即爲
其說此神呪六王爲護若後末世諸比丘輩
及清信士女爲蟲所唼眼者汝當爲說此六
神章句無不得愈吉祥之福

佛告四衆諸比丘等昔有比丘名曰善可住
在山間樹下禪思日時欲至便着衣持鉢入

卷二

城聚落分衛乞食時有惡魔與八万四千小
鬼神等以爲眷屬與善可相逢魔作是念此
善可沙門以得羅漢既能自度當復教導一
切餘人使入應真生嫉妒心作是念已便勑
諸小魔輩使來從善可口中直入腹者燒亂
善可使意顛倒不得正念然善可已得羅漢
心中自然豁然開解即得憶念時佛昔爲諸
比丘輩說百七十二神王灌頂章句憶念此
已即便彈指一心而誦舉聲唱詠惡魔眷屬
退散馳走部伍營從莫知藏處

佛語比丘我今爲汝及未來世諸比丘等廣
演灌頂百七十二神王名字此諸神王將從
七万二千鬼神以爲眷屬各以己之威力共
護汝等使諸小魔不得汝便在所至到無所
墨礮辟除惡毒蛇虺蝮等諸獸象龍熊羆之
屬自然消滅無敢當者若有鬼神往來不去者
四大諸王當遣使者持金剛之杵破頭作七分
佛告比丘此大章句至真至妙三世諸佛盡

說是大章句我亦復開此寶函出是章句若有比丘帶持之者所到遊行善神祐助辟除萬惡魔不敢當設有惡意自然滅亡此大神典帶持之者如王佩劍謀賊敢當此大神典亦復如是若帶持者外諸惡魔及身中五陰之魔莫不爲伏佛說此語竟阿難在右邊即

卷四

便整衣服頭面禮足胡跪白佛言世尊如來爲諸比丘說七万二千神王灌頂章句於後末世法欲滅時此大章句設有受者云何授與佛語阿難此大神典至尊至重諸佛如來不妄宣說度與人也若有持戒不犯禁者護念十方諸衆生者開大衆意度苦人者近善知識聞而信受不誹謗者如是之人專心求者應當授與阿難又復以手白佛言云何授與佛言若有受此護身神典者先當禮敬十方諸佛次禮經寶次禮聖僧次禮度經之師皆當專心一意偏露右肩長跪合掌師當右手持文弟子以右手受之師以右手持法水灌

弟子頂上阿難以是因緣故名灌頂章句所必然者如王太子紹王位時法應以水灌其頂上然後統領治國之事我法亦爾佛語阿難若有比丘樂受是典應懸五色幡蓋長四十九尺散五方之華各隨方之色燒栴檀香安息婆膠等香齊戒一心不食五辛不得飲酒及噉臭肉醍醐酥酪雜膩諸物悉不能食先當洗浴身體着鮮潔之衣於高山上以香汁塗地縱廣七尺名之爲壇當從此上度是灌頂十二部微妙經典當受之日思念十方諸佛菩薩應真聖僧歸誠作禮及度經師莫念東西南北之事譬如禪思比丘無他想念唯守一法然後見真若有比丘受章句經如是不亂七萬二千鬼神導從前後爲身作護爲神作護亦能爲他人作護辟除邪惡萬毒不行佛告阿難我說是時羅閱祇國城西數里有大金山其中多諸比丘輩修四道果聞說是灌頂章句皆齊整衣服來到我所頭面禮足

却坐一面聽說經法是時衆中有一少年比丘已得羅漢名曰真實從座而起前禮佛足長跪合掌白佛言天尊演說無上真妙之法灌頂章句十二部妙典我當於佛滅度之後廣宣流布此深妙典若有國土遭疾厄者縣官所呼召萬疾流行我當於中誦讀此經百

卷八八

毒萬惡莫不消散說此語已便諷誦宣傳說是十二部妙典如是展轉授與諸比丘輩各令宣傳在所國土盡得此典是比丘臨終之時餘三七二十一日存心自念言如來所說十二部灌頂章句微密妙典於後如來滅度三百歲中而此經典當隱沒不現何以故佛始滅度行善者多爲惡者少到於末世九百歲中魔道興盛諸外道輩採佛妙經以爲已有訓導萬姓令其受持而復盟誓戀祕經法當受之日皆用珍寶種種雜綵以爲重信然後授與當爾歲時國相罰民多荒亂飲食勇貴多諸盜賊橫死者半又諸惡王斷滅三

寶使法言不通破塔滅僧三寶漸末中國之王雖有信心而不究竟多所禁制心不專一迷惑於異道爾時當有比丘出現於世名曰普濟在諸名山石室之中禪思專心如是展轉遇好巖室見有寶函開而看之見此經目以紫金書刻鏤旃檀簡上此比丘見已一心

卷九九

合掌頭面作禮誦持修行如是妙典佛法既滅出千歲時災變如是諸佛菩薩應真聖僧天龍八部一切鬼神見此灾恤愍念衆生於末世中受諸苦惱使是比丘出現於世救度危厄苦患衆生不爲九橫之所得便以此經典使諸四輩比丘比丘尼清信士清信女讀

卷九九

誦宣傳教授後世一切善男子善女人等使其獲得吉祥之福

佛告阿難吾去世後法言薄淡雖復殷勤不計勞苦爲諸一切四輩弟子演說微妙無上聖王過去未來現在十方無量諸佛說灌頂大章句經十二部妙典諸佛如來祕密之藏我

既以演欲令此經流傳世間使未聞者悉得知見諸有疑惑未解法者心開意釋獲大利安復次阿難我說此經初始滅度百歲之中時多諸比丘讀誦通利宣傳之者亦甚衆多到二百歲中四輩弟子多得道者於此經法都無復用至三百歲是故隱沒不現世間故言爲善者多不大爲惡此玄妙神典釋梵四王護世善神山川龍王攝持經文十二部呪灌頂章句七寶之函盛持神文內着巖石屋室之中未來末世當有比丘學頭陀者遊行山間見好禪室遇得此經開而看之禮敬合掌頂受宣傳遠近各使聞知此大章句經文既出少有受者多行誹謗不肯信奉

佛告阿難末世之中雖有清信士清信女於我法中奉受三歸及五戒法不解苦空四大非我恒著我想顛倒分別起諸邪見到疾厄之日爲橫所惱便向諸異道邪見師所召諸邪妖魍魎鬼神殺衆生命欲求長生愚癡之

人信邪倒見爲邪師所悞死入地獄備受衆痛苦或可傷甚可憐愍是故吾今爲其演說灌頂章句十二部要藏拔除邪惡令得長生佛復告阿難我有廣大之言深妙之語淺近之化教未及者末世之中諸比丘輩聞有國土城邑聚落異邦之處有餘比丘師師相承受此經典未聞未見諸比丘輩謂此沙門是罪見人說外道法爲利養故作如是言我不信此如來世尊有所言說義味深遠如此經所言但取人情若有比丘出此言者坐誹謗故有讀誦書持此灌頂章句經者意中慄懶不復讀誦修行此經使是行人轉生進退讀誦經者作如是言若是佛說諸餘大德比丘等輩不應謂我是邪見人真非佛說我於此經不應好樂若廣說者便是邪見墮惡道中以此因緣若於末世五濁亂時若有比丘比丘尼清信士清信女奉受此十二部灌頂章句經者如法修行不應毀訾而誹謗之見有

行者恭敬禮拜想身如佛諸大菩薩應真聖僧等無有異若有輕毀罵辱之者當於現世得不吉報

佛又告阿難於後末世若有比丘比丘尼清信士女讀誦此經者爲人廣說解釋中義諸餘沙門及比丘尼清信士女未聞未見若相誹謗疾惡此經聞有說者不樂聽聞反信邪法緣是罪故當有數萬比丘墮鬼神道中若有惡心於此經典當墮蝮蛇毒蠻之中若見經文起瞋恚心緣此罪故當有數萬人坐誹謗墮龍中阿難於後末世誹謗此經毀呴不欲聽聞謂諸行者是邪見人緣是誹謗經墮鬼神道及蛇龍中不可稱數我今爲諸四輩弟子敷演少耳若說其罪不可得盡非文筆所記今故出此示於末聞從今已後見讀持者不應誹謗見有修行十二部經者皆應供養供給衣服病瘦醫藥恭敬禮拜如大師想頭面禮敬應從啓受不得輕謾毀此深典

我諸門輩弟子之中轉相誹謗不肯信受此神妙經緣此過惡墮罪無窮

佛說如是諸誹謗之過座中有諸比丘作如是念如來世尊有所言說皆不虛妄語諸同坐諸比丘輩未來之世當有如是破法之人毀謗此經今佛世尊故出此語破法之過阿難因從座起稽首佛足長跪合掌而白佛言

如來所說無有前却有所言說皆實不虛如阿難解佛所說義多諸憂和俱舍羅然末世中多有誹謗佛先說諸經法有呪術者或云應學誦持修行或云不應修習禁呪諸經法中更半不同反覆前後故使末世諸比丘輩有信行者有誹謗者是故重問於世尊耳唯願更演化於末聞

佛語阿難善哉善哉汝能爲未來世四輩弟子重問此義快矣阿難諦聽受審詳行之佛言我經中說諸禁呪術不應行者謂諸異道邪見法術惑亂於萬姓但爲利養以活身

命我所不許今吾所演灌頂章句十二部真
實呪術阿含所出諸經雜呪盡欲化導諸衆
生故不如異道爲利養也但爲度脫衆生危
難遭苦患者不外其中希望利養令諸衆生
得蘇息耳以是因緣吾今聽許

佛告阿難我說是經利益一切無量衆生我
若不說此經呪術當來末世一切衆生雖見
我法微妙真實心意貪樂由其業行習惡來
久信根淺薄未解深法至真之化

佛告阿難四輩弟子入我法中受持禁戒多
所缺犯心不專一急難之時遭疾苦患既不
專一向諸異道邪見法中以求福祐欲脫衆
難不可得離不知宿對前卅業緣歸命往往
到異道師所跪拜問訊我遭苦厄願見救護
異道師言隨汝所願吾當祈請上通五官下
言地祇令汝得福救度危厄不復遭苦師又
復言或汝先身犯諸過惡或言七世殃咎所
引爲五官所錄受諸謳罰或云牽引滅及門

族前人既已病苦所惱逢諸厄難心意不定
無所歸趣恍惚失所猶如狂人師又語言汝
七祖爲九幽所羅魂在太山當以疋帛隨方
之色救贖汝等七祖之魂拔除汝等七世之
過又有一師復作是言汝爲山神樹木鬼神
星宿之神所娆害也致諸病痛受諸病厄必
爲犯此星宿神耶當以白牛白馬種種衆生
甘美飲食設諸伎樂歌舞詠鬼神可獲大福除
汝危難所在安寧無復恐懼獲善吉祥

佛告阿難我滅度後濁惡之世信正者少多
習邪見不樂真法不欲聽聞爲諸惡師作雜
毒法殺衆生命欲救危厄殺者得罪天神地
祇悉不噉食是故我今廣演灌頂十二部章
句真實呪術化諸未信不解道者汝當宣傳
在所國土令護此經諷誦受持勿令毀缺

佛說是語時欲界六天及上諸天作天伎樂
已用讚歎燒天之香鬱鬱如雲天雨名華偏
偏而降供養大會又有諸天龍鬼之王數千

圍遶以爲眷屬因說此經因緣力故脫鬼神
身皆得人身大衆人民各墮業緣得道不同
佛說經已阿難長跪叉手白佛言演說此經
當何名之佛言此經名爲灌頂章句七萬二
千神王衛護比丘呪經佛說如是四衆人民
聞經歡喜作禮奉受

佛說灌頂七方三千神王護比丘叮經卷第二
恭二

十三

閻祇上音
反亂燒也
鳥反弄虺
一音達虺
蝮反
上許鬼
反下芳福
能熊
上音碑
下音辟
除亦反
辟除上必
苦何嘻
矜上音施
鼓比舷上平
声下